

Na osnovu člana 16., stav 4. Zakona o Vladi Zeničko-dobojskog kantona- Prečišćeni tekst («Službene novine Zeničko-dobojskog kantona», broj 7/10), Vlada Zeničko-dobojskog kantona, na 205. sjednici, održanoj 17.02.2015. godine, d o n o s i

ZAKLJUČAK

I

Prihvata se informacija Službe za zajedničke poslove Broj: 14-34-2979/1 od 10.02.2015.godine

II

Za potrebe kantonalnih organa uprave i službi za upravu Zeničko-dobojskog kantona, neophodno je osigurati kontinuitet u izvršavanju poslova nadzora objekata i imovine, održavanja higijene, obavljanje poslova u zajedničkoj pisarnici, umnožavanje materijala za potrebe Vlade Kantona i Skupštine kantona, te po potrebi osigurati i druga lica za izvršavanje poslova iz nadležnosti Službe.

IV

Odobrava se Službi za zajedničke poslove da za izvršavanje poslova iz tačke II ovog Zaključka angažira neophodan broj lica putem agencija, do popune radnih mjesta, kako bi se spriječile štetne posljedice po Zeničko -dobojski kanton, koje bi u mogle nastati.

V

Za relizaciju ovog zaključka zadužuje se Služba za zajedničke poslove i Ministarstvo finansija, svako u okviru svoje nadležnosti.

VI

Zaključak stupa na snagu danom donošenja.

Broj: 02-_____/15.
Datum, 17.02.2015. godine
Zenica

PREMIJER

Munib Husejnagić, dipl.ing.maš.

DOSTAVLJENO:

1x Služba za zajedničke poslove,
1x Ministarstvo finansija,
1x a/a



VLADA KANTONA
Stručna Služba Vlade
-ovdje-

Broj: 14-34-2979/15

Datum: 10.02.2015.godine

PREDMET: Informacija o nepopunjenosti Službe, daje se

Služba za zajedničke poslove svoju funkciju održava sa 50% manje uposlenika od potrebnog broja i broja predviđenog sistematizacijom. U posljednje dvije godine, manjak uposlenika dosegao je brojku od 30. U odnosu na 2012. godinu u Službi je 12 uposlenika manje.

Održavanje funkcije Službe u direktnoj je vezi sa izvršavanjem poslova i zadataka koje obavljaju drugi kantonalni organi uprave i službe za upravu. Blokada rada Službe u bilo kom segmentu ili neodržavanje funkcije Službe za zajedničke poslove, izravno bi onemogućilo druge kantonalne organe u izvršavanju poslova zadataka iz njihove nadležnosti. Poslovi koje Služba vrši najdirektnije su vezani za Vladu i Skupštinu Kantona. Zbog takvog statusa, negativne i štetne posljedice eventualnog neizvršavanja ili neblagovremenog izvršavanja povjerenih joj poslova, izvjesno je da bi trpili svi pomenuti organi. Direktno bi bila ugrožena:

a. sigurnost uposlenika u Kantonu,

b. sigurnost objekata i imovine,

Osim čuvanja objekata i imovine, što je Služba dužna osigurati, posljedice neizvršavanja ili neblagovremenog izvršavanja poslova mogle bi se manifestirati i na druge načine kao npr:

c. došlo bi do zastoja u radu zajedničke pisarnice, kašnjenja u rokovima i sl.,

d. došlo bi do prekida u dostavi pošte,

e. održavanje sjednica Vlade i sjednica Skupštine bi bilo dovedeno u pitanje ukoliko se ne bi osigurali izvršitelji na umnožavanju materijala, na tehničkoj pripremi sjednica i ukoliko ne bi bili osigurane druge pretpostavke da članova Vlade i zastupnici u Skupštini nesmetano obavljaju svoju funkciju (osiguranje parkinga i sl.)

f. došlo bi do nastanka zaraze ukoliko se ne bi održavala higijena u zgradi kantona i oko zgrade, (u Kantonu nedostaje 5 higijeničara)

Da bi se izbjegle navedene posljedice, tj smanjio rizik od nastanka štetnih posljedica za Kanton, u Službi je potrebno osigurati 17 izvršitelja. Nastanak pomenutih posljedica, do sada je izbjegnuto alternativnim rješenjem, tj. angažmanom lica putem agencija. Ovakvo alternativno rješenje primjenju se od 2008.godine. Od 2008.godine na ovakvo rješenje Služba je bila praktično prinuđena, što je i slučaj i sada. Radi premošćavanja postojećeg manjka, Vlada Kantona je u aprilu mjesecu 2014. godine, odobrila Službi angažman lica putem agencija i ugovora do popune radnih mjesta. Ovim je praktično samo potvrdila raniju saglasnost Vlade iz 2009 godine, kojom se na isti način premošćavao tadašnji manjak uposlenika.

Manjak stručnog kadra VSS, predstavlja poseban problem u obavljanju redovne funkcije Službe. Na poslovima koji traže uposlenika pravne struke, osim direktorice, drugih državnih službenika nemamo. Od 30 uposlenika manjka, u sferi pravnih, administrativno tehničkih, općih i pomoćnih poslova, nedostaje 14 uposlenika. Dodatni problem Službe jeste činjenica da imamo samo 1 dipl.

ekonomistu. Zbog ove okolnosti, lica bez odgovarajuće struke i potrebnog iskustva uključivana su u provedbu postupaka javnih nabavki. Ovakvo stanje traje 2,5 godine.

Primjenom novog Zakona o javnim nabavkama, situacija se dodatno usložnila. Za provođenje postupaka javnih nabavki nužno je osigurati kvalifikacionu strukturu koju novi Zakon o javnim nabavkama pretpostavlja. Prema novom Zakonu svaki ugovorni organ mora imati određeni broj državnih službenika zaduženih za provedbu javnih nabavki. Uz to, novi Zakon propisuje da svaki ugovorni organa mora imati i posebno ovlaštenog državnog službenika za javne nabavke.

Služba sa potrebnim kadrom ne raspolaže. Samim tim Služba, kao ugovorni organ, pomenute uvjete ne ispunjava.

Na ovo smo ukazivali blagovremeno.

Služba je prije stupanja na snagu pomenutog zakona, tražila popunu radnih mjesta, obrazložila i ukazala na manjak pretpostavki za primjenu novog zakona, ali je saglasnost ponovo izostala. Dakle, provedba postupaka javnih nabavki u postojećim okolnostima izravno je dovedena u pitanje. Bez hitne popune radnih mjesta državnih službenika provedba postupaka javnih nabavki nije moguća. Prijem nedostajućih izvršitelja, tj. državnih službenika koji bi bili osposobljeni za sudjelovanje u javnim nabavkama je prioritet Službe u ovom trenutku.

Prijem nedostajućih namještenika je stalna potreba i dodatna pretpostavka za rad ove Službe.

Do trajnog rješavanja pitanja popune radnih mjesta, predlažemo da se kao prijelazno rješenje usvoji predmetni Zaključak kako bi se održao kontinuitet u izvršavanju poslova za koje je Služba zadužena i na taj način samanjio rizik nastanka određenih štetnih posljedica sadržanih u uvoj informaciji.

S poštovanjem!

Direktor

Željka Marković-Sekulić

Dostavljeno:

1 x naslovu

1x Ured Premijera

1 x a/a